

## 附件六-義務工作經驗分享

校長、副校長、各位老師、各位同學：

全：早晨，我係5a既何舜恩 我係5a班既胡志勤。

何：啦~勤哥，老老實實啦；幾年黎你有冇做過咩善事呀？

胡：緊係有啦！年年東華籌款我都有捐錢既。

何：哦，係咩？我都有捐開架啎。咁除左捐錢仲有冇？

胡：有！去老人院做義工囉；我成日扶呀婆過馬路既。

何：堂堂勤哥會去做義工？係真唔係呀？咁除左扶呀婆過馬路仲有冇其他先？

胡：緊係有啦~我間中都會去啲公公婆婆屋企幫下手汁屋架。當我上到去公公婆婆屋企既時候，第一個感覺就係好緊張，因為佢地屋企一般都會有好多雜物，窄得黎有種壓迫既感覺，所以自然會好緊張；諗深一層，公公婆婆成日係啲咁既環境生活係幾咁辛苦，所以我每次上到去佢地屋企都會好落力去幫佢地汁屋，汁完當堂闊絡晒，生活環境好啲，自然人都精神啲有咁多病痛啦呀！咁岩講起，你真係唔好睇小班老人院既公公婆婆，呢~幾個月前炸麻，我同班公公婆婆打籃球，點知輸左比佢地，咁我就去問下佢地祕訣啦，佢就同我講：你地班後生仔呀，日日淨係屈係屋企打機，我地班老友記就日日出黎打波，你緊係唔夠我地黎啦~俾佢咁樣講法，真係有啲唔服！不過最緊要都係玩得開心姐~

何：咁你就唔好成日屈係屋企，多啲出黎同公公婆婆練下波啦。講開去老人院做義工，其實我都有去架；記番起我既第一次係係小學六年班，果陣我仲係個童子軍，接到通告話要去老人院表演；咁我就揀左牧童笛啦，點知就吹到走晒音，比啲公公婆婆笑到面都黃，不過照你話齋，最緊要係哄到啲老人家開心姐。咁跟住我地表演完就到公公婆婆落場表演，佢地又跳舞啦，又拉二胡，仲有棟篤笑tim，多才多藝，我地呢啲後輩真係慚愧，所以話，老人家都識活到老學到老，點解仲要浪費我地咁年輕既時光呢，應該好好把握，學多啲野，增加自己既知識，何樂而不為呢；而且我屋企本身就有位老人家啦，我同老人家相處係特別易既，所以跟住幾年我都有keep住做義工架。

胡：唔錯呀，其實我都同你一樣，有時間就會去老人院做義工，同啲伯伯捉下象棋，陪啲婆婆行下街市…

何：講到陪啲婆婆行下街市，我都有咁既經驗，佢地既講價技巧真係好高超，我連佢地一成都學唔到！廿蚊條魚都可以俾佢講到十蚊既，你話把唔把炮？

胡：哈，無錯呀！如果唔係咩叫家有一老如有一寶。但係我去老人院咁耐，佢地啲仔子女女都唔當呢句野係一回事既，你諗下，喺老人院既公公婆婆長時間

失去家庭溫暖，係幾咁寂寞，所以去左老人院做義工，令我明白到一樣野，就係你將你既爸爸媽媽放係老人院，由得佢地寂寞，咁第日你既子女都會有樣學樣，放你地係老人院架啦。

何：呢個moment我突然諗起首詩，相信大家都讀過”燕詩”，當中最尾果幾句；燕燕爾勿悲，爾當反自思。思爾為雛日，高飛背母時。當時父母念，今日爾應知；呢幾句正正係講緊，到你啲子女離開你既時候，你唔好傷心，因為你以前都係咁對待你地既父母。

胡：無錯啦，所以係老人院親身經歷既野係喺學校同屋企搵唔到既，就好似以上既例子。你唔去去體驗一下，又點知老人家其實唔係你地想像中咁差呢！

何：所以話呢，同學們放假無野做留係屋企，不如做下啲有意義既事。正所謂助人為快樂之本、施比受更為有福、人人為我，我為人人呀麻。

胡：做義工幫到人，幫到社會，人地開心，你又開心，果種歡樂係由心發出。所以大家要多啲參與義工活動，何樂而不為呢？

全：我地今日既分享到此為止，多謝。